



অবিলম্বে প্রকাশের উদ্দেশ্যে: 12/27/2023

গভর্নর ক্যাথি হোকল

গভর্নর হোকল 10 মিলিয়ন মার্কিন ডলার ডাউনটাউন পুনরুজ্জীবন উদ্যোগের সপ্তম রাউন্ডের ক্যাপিটাল রিজিয়ন বিজয়ী হিসেবে লেক জর্জের নাম ঘোষণা করলেন

স্টেটের বিস্তৃত অর্থনৈতিক এবং কমিউনিটি প্রবৃদ্ধির কৌশলের একটি গুরুত্বপূর্ণ অংশ হিসাবে ডাউনটাউন পুনরুজ্জীবিতকরণ উদ্যোগ

ডাউনটাউন লেক জর্জ পুনরুজ্জীবিত করতে স্টেট বাসিন্দা, সম্প্রদায়ের নেতৃবৃন্দ এবং সরকারি কর্মকর্তাদের সাথে কাজ করবে

গভর্নর হোকল আজকে ঘোষণা করলেন যে ডাউনটাউন পুনরুজ্জীবন উদ্যোগের (Downtown Revitalization Initiative, DRI) সপ্তম রাউন্ডের ক্যাপিটাল রিজিয়ন বিজয়ী হিসেবে লেক জর্জ 10 মিলিয়ন মার্কিন ডলার তহবিল পাবে। রাউন্ড 7 এ, স্টেটের 10টি অর্থনৈতিক বিকাশ অঞ্চলের প্রতিটি 10 মিলিয়ন ডলারের তহবিল পেতে যাচ্ছে, যা ডাউনটাউনগুলোকে প্রাণবন্ত এলাকায় রূপান্তরিত করার মাধ্যমে সম্প্রদায়গুলিকে তাদের অর্থনীতি বলীয়ান করতে সাহায্য করার উদ্দেশ্যে স্টেটের তরফ থেকে মোট 100 মিলিয়ন ডলার তহবিল ও বিনিয়োগের প্রতিশ্রুতি দান করে। ডাউনটাউন পুনরুজ্জীবন উদ্যোগ এবং NY ফরোয়ার্ড (NY Forward) উভয়ের জন্য গভর্নরের এই বছরের 100 মিলিয়ন মার্কিন ডলার প্রতিশ্রুতির পর, স্টেট এখন কর্মসূচি দুইটির সূচনার পর থেকে সম্মিলিত মোট 1 বিলিয়ন মার্কিন ডলার বিনিয়োগ করেছে।

"লেক জর্জের জন্য এই বিনিয়োগ রূপান্তরকারী হবে, যা ইতিমধ্যেই সুন্দর একটি সম্প্রদায়কে আরো উত্তম করবে," **গভর্নর হোকল বলেন।** "এই প্রতিশ্রুতিটি বাসিন্দা ও পর্যটক সকলের জন্য প্রাণবন্ত সম্প্রদায় তৈরি করতে আমাদের নিবেদনের উপর আলোকপাত করে। ডাউনটাউন পুনরুজ্জীবন উদ্যোগ এবং NY ফরোয়ার্ড উভয়ের জন্য অতিরিক্ত 100 মিলিয়ন মার্কিন ডলারের প্রতিজ্ঞা করার মাধ্যমে স্টেট এখন গর্বসহকারে আমাদের ডাউনটাউনসমূহের নতুন আকৃতি প্রদান ও পুনরুজ্জীবনের জন্য যুগান্তকারী 1 বিলিয়ন মার্কিন ডলার বিনিয়োগ করেছে, যা সকল নিউ ইয়র্কবাসীর জন্য উজ্জ্বলতর ও আরো সমৃদ্ধ একটি ভবিষ্যৎ নিশ্চিত করবে।"

স্টেটের সচিব রবার্ট জে. রড্রিগেজ বলেন, "পর্যটকদের অভিজ্ঞতা, বাসিন্দাদের জন্য জীবনযাত্রার মান উন্নত করা এবং তাদের ওয়াটারফ্রন্ট অর্থনীতির উন্নয়ন করার জন্য লেক জর্জের পুনরুজ্জীবন প্রয়াসে আঁচ ধরানোর জন্য ডাউনটাউন পুনরুজ্জীবন উদ্যোগ সফুলিঙ্গ প্রদান করবে। ডিপার্টমেন্ট অফ স্টেটের ফ্ল্যাগশিপ অর্থনৈতিক বিকাশ কর্মসূচিতে গভর্নর

হোকলের অব্যাহত প্রতিশ্রুতির জন্য তাকে ধন্যবাদ। লেক জর্জকে অভিনন্দন এবং সাফল্যের জন্য তাদের পরিকল্পনার বিকাশ দেখার জন্য আমি উন্মুখ।"

ডাউনটাউনের এলাকাগুলিকে উচ্চ জীবনযাত্রার মান প্রদানকারী এবং ব্যবসা, চাকরি, ও অর্থনৈতিক ও আবাসন বৈচিত্র্য আকর্ষণকারী প্রাণবন্ত কেন্দ্রে রূপান্তরের মাধ্যমে ডাউনটাউন পুনরুজ্জীবন উদ্যোগ স্টেটের অর্থনৈতিক বিকাশ পলিসির একটি উপাদান হিসেবে কাজ করে। অতীতের DRI রাউন্ডগুলোর মতোই, প্রতিটি নির্বাচিত সম্প্রদায় একটি বটম-আপ সম্প্রদায়-ভিত্তিক পরিকল্পনা প্রক্রিয়ার মাধ্যমে একটি কৌশলগত পরিকল্পনা গঠন করবে যা এর ডাউনটাউনকে পুনরুজ্জীবিত করার একটি ভিশন সুস্পষ্টভাবে উল্লেখ করবে এবং ডাউনটাউনকে রূপান্তর করার এবং আরো বেশি বেসরকারি ও সরকারি বিনিয়োগকে কাজে লাগানোর সম্ভাবনা রয়েছে এমন কিছু স্বকীয় প্রকল্প সনাক্ত করবে। স্টেট দপ্তর (Department of State) তারপর পুনরুজ্জীবিতকরণকে দ্রুত শুরু করার জন্য এবং কমিউনিটির ভিশনকে বাস্তবে রূপ দেওয়ার সবচেয়ে বেশি সম্ভাবনা রয়েছে এমন নির্বাচিত প্রকল্পগুলোয় DRI তহবিলের অনুদান দেবে।

লেক জর্জ (টাউন/গ্রাম)

লেক জর্জ টাউন এবং গ্রামের DRI আবেদনটি, যার শিরোনাম, **লেক জর্জ ফরোয়ার্ড:**

আগামীর জন্য ডাউনটাউনের রূপান্তর, মনোযোগ প্রদান করেছে আরো প্রাণবন্ত এবং সমৃদ্ধ একটি ডাউনটাউন তৈরির জন্য কানাডা স্ট্রিট করিডোর এবং নিকটস্থ ওয়াটারফ্রন্টের সংলগ্নে জীবনযাত্রার মান ও স্থানের চেতনা উন্নত করার উপর। DRI একটি ক্রমবর্ধমান জনসংখ্যার জন্য বসবাসের ব্যবস্থা গঠন করবে এবং "পর্যটক অভিজ্ঞতা" উন্নত করবে।

DRI কৌশল এবং প্রকল্পসমূহ 117 মিলিয়ন মার্কিন ডলারের বেশি পূর্বের সরকারি ও বেসরকারি বিনিয়োগের অনুবর্তী যা আরো সাংস্কৃতিক, বিনোদনমূলক এবং সম্প্রদায় গঠনের সুযোগের জন্য এবং স্বল্পব্যবহৃত সম্পদের পুনর্গঠন ত্বরান্বিত করার জন্য অনুঘটক হিসেবে কাজ করবে এবং একই সাথে ভবিষ্যতের প্রজন্মসমূহের জন্য সারা বছরের অর্থনীতিকে বলীয়ান করার জন্য অন্তর্ভুক্তিকর ও বৈচিত্র্যময় কর্মীবাহিনীকে সমর্থন করবে। লেক জর্জ তাদের পরিকল্পনায় রূপান্তরমূলক DRI প্রকল্প যোগ করতে যায় যা পর্যটন সাইট ও সুযোগসুবিধাকে উন্নত করবে; আবাসন সুযোগ তৈরি করবে, পাবলিক স্পেস, এবং স্ট্রিটস্কেপ উন্নয়ন করবে; এবং ব্রডব্যান্ড সক্ষমতা বৃদ্ধি করবে।

ক্যাপিটাল রিজিয়ন আঞ্চলিক অর্থনীতি বিকাশ পরিষদ (Capital Region Regional Economic Development Council, CREDC) পুরো অঞ্চলের সম্প্রদায়সমূহের জমাকৃত প্রস্তাবনাসমূহের একটি পুঙ্খানুপুঙ্খ ও প্রতিযোগিতামূলক পর্যালোচনা করেছে এবং লেক জর্জকে মনোনীত হিসেবে সুপারিশ করার আগে নিচের নির্ণায়কগুলি বিবেচনা করেছে:

- ডাউনটাউনটিকে সুস্পষ্ট সীমানা সহ নিবিড় হতে হবে;
- ডাউনটাউনটিকে আগাম মূলধন হিসাবে বা ভবিষ্যতের বেসরকারি ও সরকারি বিনিয়োগের অনুঘটক হিসাবে কাজে লাগানো যেতে পারে;

- ডাউনটাউনের মধ্যে অথবা ডাউনটাউনের নিকটবর্তী এলাকায় কর্মসংস্থানের সাম্প্রতিক বা আসন্ন বৃদ্ধি ঘটানোর সুযোগ আছে, যা কর্মীদের আকৃষ্ট করতে পারবে, পুনঃউন্নয়নে সহায়তা করবে এবং টেকসই সমৃদ্ধি বয়ে আনবে;
- ডাউনটাউনটি বৈচিত্র্যময় মানুষের জন্য একটি আকর্ষণীয় ও প্রাণবন্ত কমিউনিটি;
- মিউনিসিপ্যালিটি ইতিমধ্যে জীবন যাপনের সক্ষমতা ও গুণমান বৃদ্ধি করে এমন নীতিমালা তৈরি ও বাস্তবায়ন করেছে অথবা তা করার সক্ষমতা আছে;
- মিউনিসিপ্যালিটি ডাউনটাউনের পুনরুজ্জীবিতকরণের একটি ভিশন এবং প্রকল্প ও উদ্যোগগুলোর একটি প্রাথমিক তালিকা পাওয়া যায় এমন একটি খোলামেলা ও শক্তিশালী কমিউনিটির অন্তর্ভুক্তি প্রক্রিয়ার ব্যবস্থা করেছে;
- মিউনিসিপ্যালিটির কাছে DRI প্রক্রিয়া সামলানোর স্থানীয় সক্ষমতা আছে; এবং
- মিউনিসিপ্যালিটি এমন রূপান্তরমূলক প্রকল্প সনাক্ত করেছে যা DRI তহবিল লাভ করলে অল্প সময়ে বাস্তবায়নের জন্য প্রস্তুত হবে।

লেক জর্জ স্থানীয় পরিকল্পনা প্রক্রিয়া অনুসরণ করে এর ডাউনটাউন এলাকাকে পুনর্জীবিত করতে এবং দীর্ঘমেয়াদি প্রবৃদ্ধির নতুন সুযোগ সৃষ্টি করতে 10 মিলিয়ন মার্কিন ডলারের স্টেট তহবিল ও বিনিয়োগ পাবে। লেক জর্জ এখন DRI এর প্রথম ছয় রাউন্ডের ক্যাপিটাল রিজিয়ন বিজয়ী হিসেবে গ্লেনস ফলস, হাডসন, অ্যালবানি, স্কেনেকট্যাডি, ট্যানার্সভিল, ট্রয় এবং কাহোসের সাথে যোগ দিলো।

লেক জর্জ 10 মিলিয়ন মার্কিন ডলার DRI তহবিল থেকে 300,000 মার্কিন ডলার পর্যন্ত পরিকল্পনা তহবিল ব্যবহার করে এর ডাউনটাউনকে পুনরুজ্জীবিত করার জন্য একটি কৌশলগত বিনিয়োগ পরিকল্পনা (Strategic Investment Plan) তৈরির প্রক্রিয়া শুরু করবে। মিউনিসিপ্যাল প্রতিনিধি, সম্প্রদায়ের নেতৃবৃন্দ, ও অন্যান্য স্টেকহোল্ডারদের নিয়ে গঠিত একটি স্থানীয় পরিকল্পনা কমিটি (Local Planning Committee) বেসরকারি খাতের একদল বিশেষজ্ঞ ও স্টেট পর্যায়ের পরিকল্পনাকারীদের সহায়তা নিয়ে এই প্রয়াসের নেতৃত্ব দিবে। কৌশলগত বিনিয়োগ পরিকল্পনায় স্থানীয় সংস্থান ও সুযোগগুলো পরীক্ষা করা হবে এবং ডাউনটাউনকে পুনরুজ্জীবিত করার কমিউনিটির ভিশনের সাথে সঙ্গতিপূর্ণ এবং বাস্তবায়ন উপযোগী অর্থনৈতিক উন্নয়ন, পরিবহন, আবাসন, ও কমিউনিটি প্রকল্পগুলো সনাক্ত করবে। ডাউনটাউনের জন্য সম্প্রদায়ের ভিশনকে অগ্রসর করবে এবং স্টেট প্রদত্ত 10 মিলিয়ন মার্কিন ডলারের বিনিয়োগ কাজে লাগাতে ও সম্প্রসারণ করতে পারবে এমন পুনরুজ্জীবন প্রকল্পগুলিতে DRI অনুদানের অর্থ বিনিয়োগের ক্ষেত্রে কৌশলগত বিনিয়োগ পরিকল্পনাটি পথ প্রদর্শন করবে। DRI এর সপ্তম রাউন্ডের পরিকল্পনাগুলো 2024 সালে সম্পূর্ণ হবে।

এম্পায়ার স্টেট ডেভেলপমেন্টের (Empire State Development) প্রেসিডেন্ট, প্রধান নির্বাহী কর্মকর্তা এবং কমিশনার হোপ নাইট বলেন, "লেক জর্জ এর অতুলনীয় প্রাকৃতিক সৌন্দর্য, সমৃদ্ধ ইতিহাস এবং পরিবারবান্ধব গন্তব্য হিসেবে এর সুনামের জন্য পরিচিত। ডাউনটাউন পুনরুজ্জীবন উদ্যোগটি লেক জর্জকে এর বহু অনন্য বৈশিষ্ট্যকে কাজে লাগাতে এবং সম্প্রদায়কে ভবিষ্যতে অনেক দূর পর্যন্ত অগ্রসর করবে এমন নতুন অর্থনৈতিক সুযোগ উন্মোচন করে।"

নিউ ইয়র্ক স্টেট হোম এবং কমিউনিটি রিনিউয়ালের (Homes and Community Renewal) কমিশনার রুথঅ্যান ভিন্সাউস্কাস বলেন, "লেক জর্জের অবস্থান, আমাদের ইতিহাসে এর অতি গুরুত্বপূর্ণ ভূমিকা, এবং প্রাকৃতিক সংস্থান এটিকে এমন একটি বিকাশমান সম্প্রদায় করে তুলেছে যা প্রতি বছর কয়েক হাজার পর্যটককে আকৃষ্ট করে। যথাযোগ্য এই ডাউনটাউন পুনরুজ্জীবন অর্থদান লেক জর্জের বাসিন্দাদের একটি আরো বলীয়ান, সারা বছরের অর্থনীতি গঠন করতে এবং তারা যেই প্রাকৃতিক সম্পদ উপভোগ করে তার সেবা ব্যবহার করতে দিবে। গভর্নর হোকলের সাথে, পরবর্তী অধ্যায়ে কী হতে যাচ্ছে তা দেখার জন্য আমরা উন্মুখ।"

CREDC সহপ্রধান, NBT ব্যাংকের (NBT Bank) নির্বাহী ভাইস প্রেসিডেন্ট, সম্পদ ব্যবস্থাপনা ও আঞ্চলিক প্রেসিডেন্ট রুথ ম্যাহোনি এবং অ্যালবানি ইউনিভার্সিটির (University at Albany) প্রেসিডেন্ট ডাঃ হাভিদান রড্রিগেজ বলেন, "লেক জর্জ এর ডাউনটাউনের জন্য এমন একটি কৌশল তৈরি করেছে যা ছবির মতো সুন্দর এই সম্প্রদায়ে প্রথম বার এবং নিয়মিত পর্যটকদের বারবার আকৃষ্ট করার একটি স্বাগত পথ তৈরি করে দিবে। পরিকল্পনাটি লেক জর্জের সংস্কৃতি, বিনোদন ও প্রাকৃতিক সৌন্দর্যের সমৃদ্ধ ট্যাপেস্ট্রি ব্যবহার করবে, এর মূল ধমনীকে সমৃদ্ধি ও বিকাশের একটি অর্থনৈতিক ইঞ্জিন হিসেবে নতুন রূপে কল্পনা করবে।"

স্টেটের সিনেটর ড্যান স্টেক বলেন, "লেক জর্জ ইতিমধ্যেই আমাদের অঞ্চলের বিনোদনমূলক কর্মকাণ্ড এবং অর্থনৈতিক বিকাশের জন্য একটি অত্যাবশ্যকীয় কেন্দ্র। 10 মিলিয়ন মার্কিন ডলারের এই DRI তহবিলটি টাউন ও গ্রামকে কানাডা স্ট্রিট করিডোর এবং নিকটস্থ ওয়াটারফ্রন্টের সংলগ্নে প্রয়োজনীয় জীবনযাত্রার মান উন্নত করতে দিবে, যা আমাদের সম্প্রদায়কে কাজ, বসবাস ও বেড়ানোর আরো ভালো স্থানে পরিণত করতে সাহায্য করবে।"

অ্যাসেম্বলি সদস্য ম্যাথু সিম্পসন বলেন, "দীর্ঘদিনের বিশ্ববিখ্যাত গন্তব্য এবং আডিরোল্ডাক পার্কে অ্যাডভেঞ্চার ও প্রাকৃতিক সৌন্দর্যের জগতের গেটওয়ে লেক জর্জ এলাকা এখন ভবিষ্যতের জন্য এর ভিশন বাস্তবায়ন করার ব্যাপারে পরবর্তী পদক্ষেপটি গ্রহণ করতে পারবে। লেক জর্জ ডাউনটাউন এলাকার ব্যবসায়িক পদচিহ্ন উন্নত করা, সম্প্রদায়ের সুযোগ সুবিধা বৃদ্ধি করা, আধুনিক অবকাঠামো নিয়ে আসা, এবং লেকের পানির অটুট অবস্থা সুরক্ষিত রাখার বিদ্যমান প্রয়াস অগ্রসর করার জন্য এর পরিচিতি নতুন করার সাহসী ভিশনকে সামনে রেখে এই অঞ্চলের ভবিষ্যৎ এর আগে কখনো এতো উজ্জ্বল ও উদ্দীপিত মনে হয়নি। তা বাস্তব করার জন্য স্থানীয় টাউন ও গ্রামের কর্মকর্তা ও বাসিন্দাদের পক্ষে করা অধ্যবসায়ী কঠোর পরিশ্রমের জন্য এই অর্থপ্রাপ্তি একটি প্রমাণস্বরূপ। এই সম্প্রদায়ে এবং ভবিষ্যতের জন্য তাদের ভিশনে বিশ্বাস করার জন্য আমি গভর্নর ক্যাথি হোকলকে ধন্যবাদ জানাতে চাই।"

লেক জর্জ টাউনের সুপারভাইজার ডেনিস ডিকিন্সন বলেন, "লেক জর্জ টাউন নিউ ইয়র্ক ফরওয়ার্ড তহবিল পেয়ে অত্যন্ত কৃতজ্ঞ। গভর্নর ও তার কর্মীদের আমরা ধন্যবাদ জানাচ্ছি এবং টাউনের উল্লেখজনক উন্নয়ন করার জন্য আমাদের পরিকল্পনা বাস্তবায়ন করার জন্য উন্মুখ হয়ে আছি। এটি মিউনিসিপ্যাল পার্কিং, আবাসন এবং সেই সাথে আমাদের কিছু পরিবেশ সংরক্ষণ প্রয়াসে আমাদের সাহায্য করবে।"

ডাউনটাউন পুনরুজ্জীবিতকরণ উদ্যোগ সম্পর্কে

2016 সালে ডাউনটাউন রিভাইটলাইজেশন ইনিশিয়েটিভ তৈরি করা হয়েছিল রাজ্যের সব দশটি অঞ্চলের শহরতলি এবং পাড়াগুলির পুনরুজ্জীবনকে ত্বরান্বিত করতে এবং বিস্তৃত করার জন্য কার্যকলাপের কেন্দ্র এবং বিনিয়োগের জন্য অনুঘটক হিসাবে কাজ করার জন্য। এম্পায়ার স্টেট ডেভেলপমেন্ট (Empire State Development), হোমস অ্যান্ড কমিউনিটি রিনিউয়াল (Homes and Community Renewal) এবং NYSERDA-এর সহায়তায় ডিপার্টমেন্ট অফ স্টেটের নেতৃত্বে, DRI একটি অভূতপূর্ব ও উদ্ভাবনী "পরিকল্পনা-তারপর-বাস্তবায়ন" কৌশলের প্রতিনিধিত্ব করে যা তাৎক্ষণিক বাস্তবায়নের সাথে কৌশলগত পরিকল্পনা করে এবং এর ফলে কম্প্যাক্ট, হাঁটারযোগ্য ডাউনটাউন যা পাবলিক ট্রানজিটের ব্যবহার এবং ব্যক্তিগত যানবাহনের উপর নির্ভরতা হ্রাস করে রাষ্ট্রের সাহসী জলবায়ু লক্ষ্য অর্জনের পাশাপাশি নিউ ইয়র্ক স্টেটকে কোভিড-19 মহামারীর প্রভাব থেকে এর অর্থনীতি পুনর্নির্মাণে সাহায্য করার একটি মূল উপাদান।

কর্মসূচিটির প্রথম ছয় বছরে স্টেট পুনরুজ্জীবনের জন্য সুপরিণত এবং পুনর্গঠন, ব্যবসা, চাকরি তৈরি, বৃহত্তর অর্থনীতি এবং আবাসন বৈচিত্র্য ও সুযোগের চৌম্বকক্ষেত্রে পরিণত হওয়ার সম্ভাবনায় পূর্ণ 69টি ডাউনটাউন 700 মিলিয়ন মার্কিন ডলার বিনিয়োগ করেছে। ডাউনটাউনের যোগ্যতা ও রূপান্তরের ভিত্তিতে অংশগ্রহণকারী কমিউনিটিগুলিকে স্টেটের 10-টি আঞ্চলিক অর্থনৈতিক উন্নয়ন কাউন্সিল মনোনীত করেছে। একটি ডাউনটাউন কৌশলগত বিনিয়োগ পরিকল্পনা প্রণয়ন এবং পুনরুজ্জীবিতকরণের জন্য কমিউনিটির ভিশনকে সামনে এগিয়ে নিবে এবং আরো বেশি বেসরকারি ও সরকারি বিনিয়োগকে কাজে লাগাবে এমন গুরুত্বপূর্ণ অনুঘটক প্রকল্পগুলো বাস্তবায়নের জন্য প্রতিটি কমিউনিটিকে 10 মিলিয়ন ডলার অনুদান প্রদান করা হয়েছে।

DRI সম্পর্কে আরও তথ্য [এখানে](#) উপলব্ধ।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)